

e) Lege Provinziala di 5 de dezember dl 2012, n. 20¹⁾ Desposiziuns sön l'incuinamënt acustich

1)Publicata tl B.O. di 18 de dezember dl 2012, n. 51

Art. 11 (Desposiziuns por les ativitês che fej dër da vera)

(1) Por i laûrs da frabiché y d'atres ativitês particolarmënter da vera vëgnel apliché les desposiziuns dl'injunta C.

INJUNTA C

DESPOSIZIUNS POR ATIVITÊS DA NA GRAN VERA
(Articul 11)

(1) Por i laûrs da frabiché vëgnel apliché chëstes desposiziuns:

- a) i laûrs da vera é conzedüs ti dis da laûr dales 7:00 ales 19:00. Chisc orars po gnì mudà cun l'autorisaziun dl ombolt competënt/dla ombolta competënta;
- b) pro i laûrs da ciavè fora, de consolidaziun dl raiun, de costruziun y demoliziun mësson tò düc i provedimënc che ara va por smendri al minim la vera;
- c) les mascinns adorades pro i laûrs de costruziun mëss, sce al nen é sön le marcé, funzionè cun forza eletrica sce al é n atach eletrich. Dlungia i ospedai, les ciases de cura, les scolines, les scores, les dlijies y les cortines po les mascinns che ne funzionëia nia cun forza eletrica ma gnì adorades sce l'ombolt/la ombolta dl comun interessè à conzedü l'autorisaziun sön domanda scritta y motivada;
- d) i motors a combustiun vëgn ametüs sce ai à isoladus dl sonn realisà tl respet dles normes dla tecnica generala reconesciüda;
- e) les mascinns da vera che vëgn adorades ti cantiers mëss gnì metüdes, tan inant che al va a òna cun süa adoranza, olache ares disturba le manco che ara va la vijinanza;
- f) i compressurs, les grus y les atres mascinns mëss gnì unc sciöche al alda, a na moda che ai funzionëies sciöche al alda y che ai ne fejes nia da vera;
- g) i marti pneumatics y les foradures mëss avëi la capsula isolanta, tan inant che an nen ciafa sön le marcé.

(2) Por d'atres ativitês dër da vera vëgnel apliché chëstes desposiziuns:

- a) les ativitês agricoles nia industriales mëss gnì fates dantadöt ia por le dé, ater co sce al vëgn tignì sò le prozès de laûr normal sce ares ne vëgn nia fates;
- b) l'adoranza de mascinns da vera por l'adoranza privata, sciöche mascinns da sié, da fà lëgna y d'atres mascinns cun motor a combustiun é conzedüda dales 8:00 ales 20:00 ti dis da laûr, sciöche ince dales 9:00 ales 12:00 ti dis de festa. Na mudaziun di orars nominà dessura po gnì conzedüda cun autorisaziun dl ombolt competënt/dla ombolta competënta, tl respet dles usanzas locales, dles sorts y carateristiches di insediament;
- c) **impié füc artificizai y lascè jì raches che n'è nia fins agricui pon ma sce an à n'autorisaziun dl ombolt competënt/dla ombolta competënta;**
- d) les ativitês dl tēmp lēde che vëgn fates danter les 22.00 y les 9.00 alaleria, te eserzizi publics o locai d'intratenimēt privač o de chēsta sort, olache al é preodü musiga dal vi, reproduziuns vocales o che comporta en general la produziun de vera é sotmetüdes, sce al vëgn adorè mascinns o implanč da vera, al'autorisaziun dl ombolt competënt/dla ombolta competënta o, aladò dles desposiziuns de lege sön i spetacui publics, al'autorisaziun dl presidēt dla Provinzia;
- e) les ativitês sportives o dl tēmp lēde da na gran vera, sciöche motocross, go-kart, deltaplann a motor, modelism de fligri y auti y de na te' sort, vëgn ma ametüs tles ores autorisades dal ombolt competënt/dal'ombolta competënta, tl respet dla sort y dles carateristiches di insediament interessà da chēstes ativitês;
- f) sce l'adoranza de implanč musicai te eserzizi publics, locai de uniuns privač, palestres, locai d'incuntada o de na te' sort gaujëia na te' vera da disturbé la vijinanza, po l'ombolt competënt/ombolta competënta despone limiç temporai por la reproduziun dla musiga čina che al ne vëgn nia adotè intervēnc de carater technich-organisatīf. Por chēsc fin po l'ombolt/ombolta ghiré dal gestur na relaziun tecnica, scritta da n technich d'acustica abilité/na tecnica d'acustica abilitada, che zertificëia l'adoziun de provedimēnc por condüje la vera fata dal implant ti limiç preodüs dala lege. Sce ara ne va nia da apliché mosöres tecniches o sce ares ne garantēsc nia le respet di limiç po l'ombolt/ombolta proibì l'adoranza dl implant de reproduziun sonora o limitè süa

adoranza temporală.